



Inatsisartunut ilaasortaq  
Hans Enoksen  
Siumut

20. maj 2010  
Sagsnr. 2010-031202  
Dok. Nr. 380912

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

### **Naalakkersuisunut apeqqut:**

- Naalakkersuisut siulittasuata qularnaatsumik oqaatigisinnaanerlugu Namminersorlutik Oqartussat kommunit sinnerlugit akileraarutinik akilii-sitsiniaanermillu tigooraasutut kommunit akileraarutitigut isertitassatik tamaasa tigusarneraat?

Asarput Hans Enoksen – kommunit akileraarutinit isertitatigut pisassaat pillugit apeqqutinnut qujanaq.

Kommunit isertitatigut pisassatik tamakkiisumik pisaraat paatsuugassaanngitsumik uppersarlugit akisinnaavatsigit.

Akileraarutit A-t eqqaassagaanni, kommunit pisassaat suliffeqarfiit nassuiaataat tunuliaqutaralugit naatsorsorneqartarput, aamma suliffeqarfiit qanorluunniit akileraarutitigut akiligassatik naatsorsoriarlugit akilerualuarpatigik akilinnikkaluarpatigilluunniit kommunit pisassatik tamakkiisumik tigusarpaat. Kingusinaartumik imaluunniit akiligassanik naatsorsuinngitsoornerni landskarsip ajunaarutaasinnaasut kisimiilluni nammattarpai.

Aammattaaq kommunit – akileraaruserinerup aqqissuuteqqinneqarnera sioqqullugu pissutsit atuuttut killormoorlugit, akileraarutit A-t akilerneqanngitsoortut annaasaqaatigisinnaajunnaarnikuuvaat – assersuutigalugu suliffeqarfiup akilii-sinnaajunnaarluni uninneratigut.

Aammattaaq isumaqatigiissutigineqarsimavoq, kommunit akileraarutit A-t pisassaat aqqaneq marlunnut aggorlugit angeqqatigiikkuutaarlugit naatsorsoriarlugit akilerneqartarnissaat, taamaasilluni kommunit akiliisinnaassuseqarnerat ukiup ingerlanerani suliaaqaassuttip allanngorarneranit sunnerneqassanngilaq.

Akilerartarnermut Aqutsisoqarfiup, akilerartutit A-t isertitat allanngorarnerat ataavartumik malinnaaffigaa, pisariaqassagaangallu naligiissaarinerik ingerlatsisarluni.

Ukiumut akileraarusiinerup inenera ilisimaneqaleraangat, kommunit akileraarutitut tapiissutinit pissarsiassaat naatsorsorneqartarput, inernalu ukiumut tulliutumut 1/12-linngorlugit naatsorsuutit annertussusissaannik aalajangiinermut ilanngunneqartarpoq.

Akileraarutitigut isertitassatut ilimagisat, taamaasillunilu kommunit atavarumik naatsorsoriarlugit akiligassat annertussusaat Akilerartarnermut Aqutsisoqarfiup kommunillu ataasiakkaat akornanni oqaloqatigiinnikkut aalajangerneqartarportaaq.

Ingerlatseqatigiiffiit akileraarutaannit kommunit pisassaannut tunngatillugu, naligiissaarinerit pisariaqartitat ingerlanneqareeraangata naatsorsuusioriarluni piaarnerpaamik ullup akiliiffissap kingulliup kingunitsiannguani piffissaq eqqorlugu akilerneqartarput.

Aammattaaq ingerlatsiviit akileraarutaat akileraarutinullu tapissat akilersinneqarsinnaangippata amigartoorutaasinnaasut landskarsip kisimiilluni nammassavai.

Inussiarnersumik inuulluaqqusilluta



Palle Christiansen